

## Kolej Islam

### **BAKAL UNIVERSITI ISLAM MALAYA**

[Dengan gemarnya kita Melayukan di sini isi ucapan Doktor Muhammad ‘Abdul Ra’ūf, Profesor Kolej Islam Malaya, yang telah diucapkan pada hari pembukaan Kolej yang bersejarah itu-P]



Dalam zaman kebangkitan ini, umat Islam telah bangun dan telah sedar bahawa kedudukan dan hal keadaan mereka tidak akan dapat diperbaiki melainkan dengan mengamalkan ajaran agama Islam menurut bentuknya yang mudah dan bersih seperti keadaannya pada zaman permulaannya yang cemerlang; dan dengan mendidik keturunan baharu menurut kaedah fahaman yang sahih akan hakikat Islam dan dasar-dasarnya; dan mereka telah percaya dan yakin akan mustahaknya menguatkan perhubungan tali persaudaraan, dan menggalakkan bertolong bantu sesama sendiri terutama dalam lapangan pendidikan dan kebudayaan.

Kolej Islam yang kita rayakan pembukannya pada hari ini adalah menjadi tanda yang menunjukkan perasaan yang tersebut, dan menjadi alamat kesedaran penduduk Islam negeri ini iaitu kesedaran mereka yang mendalam akan hajat tuntutan anak-anak Islam dalam zaman kita ini. Kolej Islam ini tidak lain melainkan sebutir benih bagi sebuah universiti Islam yang akan menjadi tumpuan pencinta-pencinta ilmu pengetahuan, bukan sahaja untuk anak-anak Islam di Semenanjung Tanah Melayu bahkan untuk penduduk Timur jauh seluruhnya.

Oleh kerana lembaga guru-guru di kolej ini tak dapat tiada dikehendaki mempunyai kedudukan yang kuat, dan terjamin perjalanan atas dasar pengetahuan yang betul serta dapat mensesuaikan diri dengan falsafah dan tujuan Islam yang diserukan oleh maslahah-maslahah Islam, maka tertariklah pandangan ke arah al-Azhar yang menjadi kubu pengetahuan Islam dan pusat kebudayaannya. pihak yang berkuasa Mesir telah memperkenankan permintaan pihak pentadbir kolej ini lalu dipinjamkan dua orang dari guru-guru Mesir sebagai sumbangan kepada tujuan suci yang kerana kolej ini telah didirikan, dan sebagai menggambarkan perasaan baik umat Mesir terhadap saudaranya di Tanah Melayu negeri Islam yang menjadi saudara kandungnya, selain daripada menjadi tanda atas sikap bertolong bantu sesama umat Islam walaubagamana jauhnya negeri mereka, dan berlainan keadaan tanah air mereka.

Guru-guru hantaran Azhar yang saya sekarang bercakap atas namanya, adalah bertujuan yang utama sekali ialah kepada mendidik sahsiah penuntut-penuntut, dan mendidik mereka sebagai orang yang mulia dan percaya kepada diri sendiri dengan mengamalkan sifat-sifat yang terpuji

yang telah digalakkan oleh Islam dan akhlak yang mulia iaitu sifat alim ulama yang utama. Demikian juga kamu bertujuan mendidik mereka kepada kebebasan membahas, kemerdekaan berfikir, dan mencipta sendiri, asalkan sikap yang demikian terletak di dalam lingkungan hukum kitab Allah (tidak melanggar batas larangannya), sambil meraikan hajat tuntutan zaman dan hal keadaan masyarakat sekeliling.

Kami juga bertanggungjawab bagi menhubungkan pelajaran penuntut-penuntut dengan kerja-kerja dan kepandaian dalam lapangan hidup yang digunakan di sekeliling mereka, dan mendidik mereka supaya faham dengan sebenar-benarnya akan dasar Islam sebagaimana yang telah dibawa oleh Rasulullah (SAW), dan sebagaimana yang telah difaham akan dia oleh *al-salaf al-ṣālih* (sahabat dan tabi‘īn) iaitu bersih daripada segala tambahan-tambahan dan khurafat-khurafat yang telah menyelit di dalam agama yang mulia ini di sepanjang-sepanjang sejarahnya disebabkan kejahilan ataupun kerana niat yang serong!

Sebenarnya yang memundurkan umat Islam pada hari ini ialah disebabkan kebanyakannya mereka berpegang dengan anasir-anasir yang tersebut, iaitu anasir-anasir yang asing dari ajaran Islam, bahkan kedatangan Islam ialah kerana hendak membersihkan manusia daripadanya.

Islam ialah agama dan dunia, dan ialah akidah dan amalan: akidah yang mudah difaham dan dapat mensesuaikan diri dengan tabiat manusia dan mantik, serta menjauahkan peluangnya daripada khurafat-khurafat dan perkara-perkara karut. Begitu pula Islam ialah amal, iaitu faedah-faedah yang mengaturkan perhubungan manusia sesame sendiri dan menggalakkan mereka kepada usaha mencari rezeki dan beroleh manfaat dengan usu dunia ini seluruhnya, yang diliputi oleh ilmu pengetahuan mereka dan yang dapat dicapai dengan tenaga mereka. Perbuatan duduk tidak mahu berusaha dan anya bertukul dengan batu tuli adalah perbuatan yang terkeji dan Islam telah mengisyiharkan perang atasnya. Rasanya

tidak akan melampau jika dikata bahawa tidak ada suatu kumpulan manusia di atas muka bumi ini yang sedang hidup dalam suatu masyarakat yang makmur dan teratur melainkan kumpulan itu telah berusaha menurut kaedah Islam yang secara ‘amalī, baik dengan disengaja atau tidak!

Inilah dia setengah daripada tujuan-tujuan yang telah kami letakkan di hadapan mata kami semenjak kamu mulakan khidmat kami di dalam kolej, dengan berharap dapatlah hendaknya kolej ini menunaikannya dengan bantuan Allah dan diharap dan dapat pula mengambil bahagian dengan sebesar-besarnya dalam binaan negeri ini dan kebesarannya.

Kami sedia berkhidmat sedaya upaya kami bagi menunaikan tujuan-tujuan yang mulia itu, sebagai menunaikan tanggungjawab negeri Mesir dan universiti Azharnya dalam masyarakat saudara-saudara yang tidak asing kepada kami, dan bagi menguatkan tali perhubungan silaturrahim dan kebudayaan di antara semenanjung Tanah Melayu dan Mesir saudara kandungnya.

---



Perdana Menteri China Komunis yang singgah di Singapura dalam perjalannya ke Bandung sebagai orang yang masa mukanya, di dalam gambar ini kelihatan sedang senyum-senyum kambing tatkalah di gambar dengan Perdana Menteri Indonesia dalam masa kenyataannya di Bandung menghadiri persidangan Asia-Afrika baharu-baharu ini.